



Publicaziuns dalla vischnaunca, jamna 7

Damondas da baghegiar

2019-1001.000

Datum dalla publicaziun: 15 da fevrer

La patruna: Jolanda Gächter, Rigistrasse 6, 8608 Bubikon
Il representant: Architect, Paul Duri Degonda, Paradiesgasse 7, 7000 Cuera
Object: Sanaziun dalla tegia da mises ed engrondaziun dalla surfatscha da habitar, parcella 3846, Begl Sogn Martin, 7183 Mumpé Medel

2019-1003.000

Datum dalla publicaziun: 15 da fevrer

Il patrun: Repower AG, Glennerstrasse 22, 7130 Illanz
Il representant: Repower AG, Glennerstrasse 22, 7130 Illanz
Object: Construcziun d'ina nischa per montar ina cabina d'electricitad, parc. 1257, Via Acletta, 7180 Disentis/Mustér

2019-1004.000

Datum dalla publicaziun: 15 da fevrer

Il patrun: Andreas e Birgit Herbster, Bielstrasse 37, 4104 Oberwil BL
Il representant: Marcel Levy GmbH, Via Vallars 3, 7186 Segnas
Object: Sanaziun dalla habitaziun en casa nr. 351, nova pompa da calira e niev indrez da collecturs da sulegl, parcella 23, Via Peisel 2, 7186 Segnas

2019-1005.000

Datum dalla publicaziun: 15 da fevrer

Il patrun: Roman Simonet, Via Sum Crusch 1, 7183 Mumpé Medel
Il representant: Roman Simonet, Via Sum Crusch 1, 7183 Mumpé Medel
Object: Engrondaziun dil lidimer sin parcella 2394, Crusch, 7183 Mumpé Medel

2019-1006.000

Datum dalla publicaziun: 15 da fevrer

La patruna: Vischnaunca Disentis/Mustér, Via Cons 2, 7180 Disentis/Mustér
Il representant: Biro d'inschignier Iso Mazzetta, Via Lucmagn 7, 7180 Disentis/Mustér
Object: Project d'avertura Pignola (canalisaziun, provediment d'aua, electricitad) Pignola, 7180 Disentis/Mustér

Il plans da construcziun ein deponi tier l'administraziun communal. L'envesta publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 11 da fevrer 2019

Uffeci da baghegiar Disentis/Mustér

Annunzas da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2019 – 2001.000

Marianne ed Egon Märchy, Dorfstrasse 8, 8835 Feusisberg, Via Fontauna 2, 7180 Disentis/Mustér; remplazzament dalla cuschina tier la habitaziun nr. 9 el secund plaun terren ella casa nr. 720B sin parcella 1345, Via Fontauna 2, 7180 Disentis/Mustér



Nr. 2019 – 2002.000

Dionys Steger-Schatz, Via Davos-Mustér 1, 7180 Disentis/Mustér Mustér; remplazzament dallas finiastras vid la casa nr. 199A, parcella 896, Via Davos-Mustér 1, 7180 Disentis/Mustér

Nr. 2019 – 2005.000

Martin e Carla Flury-Nay, Via Buretsch 12, 7186 Segnas; colurar las fatschadas e las schalusias vid la casa nr. 326, parcella 2223, Via Buretsch 12, 7186 Segnas

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 12 da fevrer 2019

Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 22 da fevrer 2019**, allas 20.15 en casa communal.

Tractandas:

1. Protocol 17-2017/2020
2. Saramentaziun dil niev cusseglier da vischnaunca
3. Lescha davart igl encurir cristallas e mineralias ed il lavar aur:
Revisiun parziala (messadi nr. 28-2017/2020)
4. Ura da damondas (conform ad art. 44 dil regulativ da fatschentas)

Il president dil cussegl da vischnaunca

«Il nuegl el vitg»

Svilup spazial, ina provocaziun per las vischnauncas

Actualmein ein nossas vischnauncas confruntadas cun multifars problems dalla planisaziun dil territori. D'ina vart la reducziun dallas zonas da baghegiar en consequenza dalla revisiun parziala dalla lescha federala davart la planisaziun dil territori, e da l'autra vart las sfidas che sedattan en connex cun l'applicaziun dalla lescha davart habitaziuns secundaras.

A vesta dalla problematica davart il diever da quels baghetgs en nos vitgs sco era l'entira damonda concernent la planisaziun spaziala, han las suandontas occurrenzias liug en claustra a Disentis/Mustér:

Orientaziun publica cun discussiun al podi Mesjamna, ils 20 da fevrer 2019,
allas 20.00 en Sala Peter Kaiser

Beinvegni: Robert Cajacob, president communal
Moderaziun atras la sera cun: Christof Kübler
Discussiun al podi cun: Gion A. Caminada, architect
Giovanni Netzer, Riom (Origen)
Martin Candinas, cusseglier naziunal,
Iso Mazzetta, anteriur genau

Suenter la sera d'orientaziun vegn purschiu als participonts in aperitiv.



Exposiziun dallas lavurs da diplom dalla HTW Cuera

En cumbinaziun cun l'orientaziun «Il nuegl el vitg» vegnan las lavurs dalla HTW Cuera exponidas naven dils **14 entochen ils 28 da fevrer 2019**. L'exposiziun sesanfla el pierti, e quei mintgamai durent il temps d'avertura dalla porta principala dalla claustra da Disentis/Mustér.

Cordialmein envidan las *Suprastonzas communalas da Disentis/Mustér e Tujetsch*

Situaziuns da prighel

Encuretg voluntaris

Mintga situaziun da prighel entras eveniments dalla natira ed autras influenzas ei outra. Aschia sa ei capitar ch'ils specialists dallas organisaziuns d'agid ein occupai cun porscher succuors e san cheutras buca surpender ulteriuras incaricas. Per quei motiv encurin nus persunas voluntarias ch'ei en in cass da crisa promptas da surpender semplas incumbensas sco p. ex. survegilar ina via serrada ni observar in territori. Persunas ch'ei promptas da segidar en situaziuns da prighel ein supplicadas da s'annunziar tier la colonna d'agid Mustér (scathomen@disentis.ch ni 079 832 02 63), la quala meina ina gliesta da voluntaris ed organischescha las incaricas.

Stab da catastofas Disentis/Mustér

Controlla da habitonts

Mortori

Julia Schuoler-Petschen, naschida ils 12 da mars 1930, morta ils 8 da fevrer 2019.

Vollmondfahrt auf den Oberalp

Am **19. Februar 2019** starten wir mit exklusivem Sonderzug der Matterhorn Gotthard Bahn zur zweiten Vollmondfahrt auf den Oberalppass.

18.00 Treffpunkt Bahnhof Disentis

18.14 Apéro und erster Teil eines ganz speziellen Konzertes der Acabellos im Zug und gemeinsame Fahrt mit dem letzten regulären Zug auf den Oberalp, Zustieg ist an allen Bahnhöfen der Strecke möglich.

18.31 Abfahrt Sedrun

18.51 Ankunft Oberalppass und raus in die Nacht. Uns erwartet ein feines Nachtessen in der «Ustria Alpsu»

21.50 Aufbruch zum Bahnhof Oberalppass

22.00 Abfahrt unseres Sonderzugs der Matterhorn Gotthard Bahn Richtung Sedrun und Disentis

Weitere Informationen und Tickets gibts unter www.vivadisentis.ch.



Uniun da dunnas Disentis/Mustér

Excursiun cuorsa liunga el Goms

Classic ni skakting

Has ti plascher da far ina excursiun culs skis da cuorsa liunga el Goms? La loipa ei adattada per entschevidras sco per avanzadas. Ella entscheiva ad Oberwald e va sur 29 km entochen Niederwald. Igl ei pusseivel dad ir in pli cuort toc e returnar cul tren ad Oberwald.

Datum: **venderdis, ils 22 da fevrer 2019** (datum da reserva ils 8 da mars 2019)

Partenza: 7.08 cul tren alla staziun Mustér

Arrivada: 9.08 ad Oberwald

Retuorn: 15.42 cul tren dalla staziun Oberwald

Arrivada: 17.39 a Mustér

Bigliets: Mintgina procura sezza il bigliet per il tren e la loipa, informaziuns pertuccont ils prezis obtegnas al spurtegl dalla staziun Mustér.

Ulteriurs cuosts: depot per deponer il sacados ad Oberwald, gentar communabel

Mintga participonta procura sezza ils skis, calzera etc.

Eis ti interessada, lu s'annunzia tier Erna Hosang, tel. 081 936 43 36 ni hosang@kns.ch

Las organisaturas selegran sin in grond diember participontas.

Café da sentupada/Begegnungscafé

Um einander besser kennenzulernen und den Asylsuchenden die Möglichkeit zu bieten, deutsch zu sprechen, werden immer wieder Begegnungen mit den Asylsuchenden aus dem Transitzentrum Bellavista organisiert. Alle sind herzlich eingeladen am **Montag, 21. Januar 2019**, von 17–19 Uhr im Gemeindezentrum Aua Viva in Disentis dabei zu sein.

Cinema Salaplauna

«La mélodie – Der Klang von Paris» (F 2017) **Mittwoch, 27. Februar 2019,**

Center sursilvan d'agricultura, Disentis/Mustér.

Ein Profimusiker will den Jugendlichen einer Pariser Vorstadt das Geigenspiel beibringen, was zu Beginn unmöglich erscheint. Doch der Musiker gibt nicht auf, trotz allen Widerständen. Eine herzerwärmende Geschichte, die viel Hoffnung in sich trägt. Türöffnung 19.30 Uhr, Filmstart 20 Uhr. Eintritt frei, Kollekte.

Invitaziun Seniors-CaNorta

(star da cumpignia – giugs – raschunar) Gievgia, ils 21 da fevrer 2019.

Il liug da sentupada per seniors/senioras, allas 12.15 meisa da miezdi (mira giusut) ni allas 13.45 star da cumpignia, discuors, giugs: troccas, jass, sudoku... ni pli tard per ina cuorta sentupada.

Meisa da miezdi organisada da Seniors-Ca e Puntreis

Entschatta: allas 12.15 en Puntreis. Gentar cun treis tratgas inclusiv 3 dl aua dalla spina ed in caffè.

Annunzia entochen allas 9.00 dil di alla Puntreis, tel. 081 929 56 56. La meisa da miezdi ei aviarta per mintgin/a.

Post d'informaziun Seniors-Ca



Bergpfirsiche im Bündnerland Vortrag und Gespräch

Donnerstag, 28. Februar, Center sursilvan d'agricultura, Disentis/Mustér mit Andi Schmid, Biobauer und Pfirsichzüchter aus Scharans. Werden im Bündnerland bald überall Pfirsiche blühen? Der Biobauer Andi Schmid tüftelt zurzeit im Domleschg an neuen Pfirsichsorten, welche im Berggebiet gedeihen sollen. Dafür hat er spezielle Bergpfirsiche aus Tadschikistan importiert. Andi Schmid wird von seinem Pfirsichprojekt berichten und steht uns anschliessend zu einem Gespräch zur Verfügung. Türöffnung 19.30 Uhr, Beginn 20.15 Uhr. Eintritt frei, Kollekte. «BergBauernGeschichten» – eine Veranstaltungsreihe von Agricultura.

Uniun da gymnastica da dunnas Mustér

Il proxims datums per nossa purschida Line-Dance inaga per meins ein: **Gievgia, ils 21 da fevrer, 7 da mars, 4 d'avrel ed ils 9 da matg 2019**, allas 19.30 el Center da sport Mustér. Nus envidein tuttas interessadas pil sault – vegni tier nus en la halla da gymnastica!

*El num dall'uniun da gymnastica da dunnas Mustér
(tel. 079 672 50 46)*

Frauenturnverein Disentis

Die nächsten Daten für das Line-Dance-Angebot einmal im Monat sind:

Donnerstag, 21. Feb., 7. März, 4. April und 9. Mai 2019, um 19.30 Uhr im Center da sport in Disentis. Wir laden alle Tanzbegeisterten ein, bei uns hereinzuschauen.